

ТӨЛЫСЬ КУСӨДӨМ *

Миян карын эм каланча,
Некөн абу сэтшөм мөд.
Сэни стөрөж вөлі Ваньчо -
Пошехонечьяслөн рөд.

Ассьыс смена нуліс «бура»:
Арся войыд көи кузь,
Башня гөгөр ветлө жура,
Войтө «капельки» оз узь.

Сійөс некод абу видысь;
Часі вартны эз вөв скуп:
Куим пыдди клёнгас витысь,
Мед пө лоас «на весь руб».

Тані олө сійө медөн,
Тшөтш пөжарысь видзө кар,
Быдлун ассьыс места төдө:
Быттьө коз пу йылын тар.

Өти рытө воддза арын,
Этша пемдөм бөрын пыр,
Татшөм притча вөлі карын,
Кодөс Ваньчо төдас дыр:

Ставыс вөлі шынитөлөсь,
Гөгөр ладнө, гөгөр бур;
Сэтчө шөрө кыптө төлысь -
Вөрйас сайсянь мытчө юр.

Ваньчо син вылө нин уси,
Рөкыд вылө рөмыс гөрд;
Мортлөн пыр-и сувтіс юрси,
Көть тэ серав, көть тэ бөрд.

Тöлысь кыптö ферма дорö,
Мыччысис нин гöгыль джын,
Ваньчо горöдiс сэк гора:
«Ферма öзйис... Би и тшын!»

Сэсся звöнитiс тревога,
Мед команда петас пыр.
Сэк команда кывзiс лёка,
Эз тай жуяв небось дыр.

Видзöдлiсны тöлысь вылö:
Быттьö кынтöм тасьтi вый,
Нырöн тшын дук весиг кылö...
Колö кусны, кöть мед мый!

Мöдöдчисны йирки-йарки:
Медся водзын ыджыд удж,
Бöрсьыс мерин, турки-тарки,-
Тöлысь адзылас и пуж...

Йиркöдöны шумөн-гамөн,
Вöвъяс вылысь киссьö быг;
Мунö пошехонскöй сямөн
Командаын морт дас кык.

Артель Сыктыв ю нин вуджис
(Сэни вöйлi кучер Педь),
А брандмейстер сойяс пуджис,
Вылö лэптiс кучик плеть.

Регыд мысти воис ферма:
Гöрдов тöлысь век на сэн,
Керка весьтын,- сотны вермас
Часлы, петкöдласны звөн!

Зырөдісны төлысь вылө:
Ствольщик босьтіс кишка пом,
Өти багыр лептіс вылө...
Төлысь, регыд воас пом.

А топорник увтіс черөн -
Ырышсьөма, сөмын сөт...
Сэн машина пызйө зерөн,
Өти кучер чуть эз пөд.

Төлысь казяліс, мый тадзөн
Збыльысь делө лоө дзуг;
Садьтөг повзис, сэсся надзөн
Кымөр сайө дзебсис - кук.

Сэсянь төлысь дзикөдз раммис:
Чуть пөжарник мыччас юр,
Удеритны небось сяммас -
Пырас кымөр сайө -гур.

* Медводдзаысь печатайтөма 1933 воын.

Ударник. - 1933. - № 5-6. - С. 26.